



Broj: 03-05-05-13168/12
Sarajevo, 25.01.2013.godine

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Vijeće mladih Ilidža, Ministarstvo pravde i uprave d o n o s i

R J E Š E N J E

1. Upisuje se u registar udruženja koji se vodi kod Ministarstva pravde i uprave Kantona Sarajevo **Udruženje Vijeće mladih Ilidža**, sa sjedištem u Sarajevu, ulica BANJSKA broj 2.

2. Upis je izvršen pod registarskim brojem 1758. knjiga IV registra udruženja, dana 25.01.2013.godine.

3. Programski ciljevi i zadaci Udruženja su: Zalaganje za unapređenje položaja mladih i jačanje uključenja mladih Općine Ilidža u društveni život; Poboljšanje koordinacije omladinskih udruženja Općine Ilidža, te predstavljanje zajedničkih interesa udruženja osnivača i članica Vijeća mladih Općine Ilidža; Aktivna participacija u procesu implementacije strategije za mlade Općine Ilidža; Pokretanje i učešće u vijeću mladih Kantona Sarajevo i FBiH, te predstavljanje mladih Općine Ilidža u navedenim tijelima; Zastupanje interesa mladih Općine Ilidža kroz javno zagovaranje i suradnju sa lokalnim i višim nivoima vlasti; Učešće u komisijama i stručnim radnim tijelima za mlade na nivou Općine Ilidža; Realizacija projekata od zajedničkog interesa osnivača i članica, interesa mladih Općine Ilidža i šire zajednice; Organiziranje: edukacija, kurseva, seminara, debata simpozija, okruglih stolova, kulturno-sportskih i umjetničkih manifestacija, štampanje biltena, publikacija, letaka, video-audio sadržaja i sl. za članice vijeća kao i za mlade Općine Ilidža, a sve u skladu sa Zakonom o udruženjima i fondacijama FBiH, radi ostvarivanja ciljeva Udruženja; Uspostavljanje saradnje sa svim institucijama i ustanovama koje se bave pitanjima mladih na prostoru Općine Ilidža i Kantona Sarajevo i poboljšanje kvaliteta i kvantiteta usluga prema mladima.

4. Osoba ovlaštena za zastupanje i predstavljanje je: Saud Karić -- predsjednik.

O b r a z l o ž e n j e

Udruženje Vijeće mladih Ilidža, dostavilo je dana 27.12.2012.godine zahtjev za upis u registar udruženja, koji se vodi kod ovog ministarstva.

Uz zahtjev za upis u registar udruženja (Obrazac br.3) priložena je sva potrebna dokumentacija u skladu sa članom 28. Zakona o udruženjima i fondacijama i članom 5. stav 1. Pravilnika o načinu vođenja registra udruženja i fondacija i stranih međunarodnih nevladinih organizacija ("Službene novine Federacije BiH" broj 61/02) i to: Odluka o osnivanju Udruženja, Popis članova upravnog



tijela (Obrazac br.5), Podaci o osnivaču (Obrazac br.4 i fotokopije ličnih karata osnivača), Odluka o zastupanju i predstavljanju Udruženja te Statut Udruženja.

Uvidom u priloženu dokumentaciju utvrđeno je da su ispunjeni svi zakonski uslovi za upis u registar navedenog udruženja, pa je zbog toga riješeno kao u dispozitivu Rješenja.

Rješenje se izdaje uz naknadu za upis udruženja, a shodno Rješenju o visini naknade za upis u Registar udruženja broj 03-02-312/03 od 10.01.2003.godine i uz naplatu takse sa članom 19. tarifni broj 36. Zakona o administrativnim taksama ("Službene novine Kantona Sarajevo", broj 30/01 -Prečišćeni tekst 22/02, 10/05 i 26/08) na žiro račun Kantona Sarajevo broj:3380002210019263.

Pouka o pravnom lijeku: Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30 dana od dana prijema ovog rješenja.

Tužba se podnosi u dva istovjetna primjerka, a uz istu se prilaže i ovo rješenje u originalu ili prepisu.



Dostaviti:

- 1.Udruženju;
- 2.Federalnom ministarstvu pravde;
- 3.Ministarstvo za obrazovanje, nauku i mlade Kantona Sarajevo;
- 4.Zbirci isprava;
- 5.MP NIO "Sl.List BiH";
- 6.Arhivi.



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

